

**TUME YA KIKRISTO YA HUDUMA ZA JAMII  
KAMATI YA MITIHANI YA PAMOJA KANDA YA KASKAZINI**



**MTIHANI WA UTAMIRIFU KIDATO CHA SITA, 2026**

**121/1**

**KISWAHILI 1**

**Muda: Saa 3**

**Jumatano, 25 Februari 2026 Asubuhi**

---

**Maelekezo**

1. Mtihani huu una **sehemu A** na **B**, zenye jumla ya **maswali nane (8)**
2. Jibu maswali yote katika sehemu **A** na maswali **matatu (3)** kutoka sehemu **B**. swali la **tano (5)** ni la lazima.
3. Zingatia **maelekezo** ya **kila sehemu** na ya kila swali
4. Simu za **mkononi** na vitu vyote visivyoruhusiwa havitakiwi katika chumba cha mtihani.
5. Andika **namba yako ya mtihani** katika kila ukurasa wa kijitabu chako cha kujibia.

## SEHEMU A (Alama 40)

Fanya maswali **yote** katika sehemu hii

1. Soma shairi lifuatalo kisha jibu maswali yanayofuata:

Namuona yu shambani  
Analima  
Mavuno si yake  
Ni ya mume wake

Namuona kiwandani  
Pia maofisini  
Ya kazini  
Hamkani  
Anabaguliwa  
Na anaonewa

Namuona yu nyumbani  
Mpishi wa jikoni  
Yaya yeye  
Dobi yeye  
Hakuna malipo  
Likizo haipo

Namuona kitandani  
Yu uchi maungoni  
Ni mrembo  
Kama chombo  
Chenye ushawishi  
Mzima utashi

Namuona mkekani  
Yumo uzanini  
Anapumua  
Augua  
Kilio cha kite  
Cha mpiga pute

Kwanini mwanamke  
Ni yeye peke yake  
Anyimwaye  
Heshimaye  
Haki anakosa  
Kwa kweli ni kosa

### Maswali

- (a) Kwa maneno yasiyozidi **matatu**, andika kichwa cha shairi hili.
  - (b) Eleza maana ya maneno yafuatayo:
    - (i) Kilio cha kite
    - (ii) Yaya
    - (iii) Chombo cha starehe
    - (iv) Dobi
  - (c) Shairi hili ni la aina gani? Toa sababu mbili kufafanua jibu lako.
  - (d) Kwanini mwandishi anamuona mwanamke hana likizo?
  - (e) Unafikiri mshairi anatoa ujumbe gani kwa hadhira yake?
2. Makosa ya kisarufi na kimantiki hayaepukiki katika jamii ya waswahili. Thibitisha dai hili kwa mifano. Hoja **tano (5)**.
3. Dhima mojawapo ya vitenzi vya Kiswahili ni kuonesha hali mbalimbali. Kwa kutumia mifano, fafana hali mbalimbali za vitenzi vya Kiswahili. Hoja **tano (5)**.
4. Mtumiaji yoyote wa lugha huongozwa na utaratibu husika. Kwa kutoa mifano oneshwa ni mambo yapi mtumiaji wa lugha huyazingatia wakati wa kutumia lugha. Hoja **tano (5)**.

## SEHEMU B (alama 60)

Jibu maswali **matatu (3)** kutoka sehemu hii. Swali la **5 ni la lazima**.

5. “Taaluma ya tafsiri ina uhusiano na taaluma nyingine”. Kwa kutoa mifano kuntu zifafanue taaluma nyingine zinazohusiana na tafsiri. Hoja **sita (6)**.
6. Andika barua kwa mhariri wa gazeti la uhuru ukiwaeleza wanafunzi namna ya kufanya ili kupata ufaulu mzuri kwenye mitihani yao. Jina lako ni Nyanya Chungu wa Sanduku la Posta 222 Buzuruga.
7. “Toka enzi za uhuru hadi sasa lugha ya Kiswahili imepata mafanikio makubwa ndani na nje ya Tanzania”. Thibitisha dai hili kwa kutoa hoja **sita (6)**.
8. Kushamiri kwa Kiswahili sanifu kunasababisha lahaja nyingine kudumaa na nyingine kutoweka kabisa. Thibitisha kauli hii kwa hoja **sita (6)**.